

## Il discorso del Re Bosino

Pubblicato: Domenica 18 Febbraio 2018



### Il discorso del Re Bosino

Donn e tusàñ, óman e fiö, gént da Varées  
di tücc i castelànz, dul céntro e di paés:  
Busìtt, va salüdi! Sii vegnüü propri in tanti  
dai sìt chi visìn e da quéis püssée distant(i).  
L'è sèmpar 'n gran spetàcul girà par i stràa  
in mèzz a gent alégar e fiö mascuràa.  
Caruzzùni, müsica, balerìn, burdèll  
par mi, Re Busin, gh'è nagott da püssée bëll!  
Incö a Varées, par unurà ra tradiziùn,  
manca propi niènt, podi dill cun cugniziùn!  
Alùra dìsi la mia, fin dal prinzipi  
e segünd l'üsanza, di facc dul Municipì.  
L'ann passàa évi fài un cèrt paragùn  
tra i manéeg dul cumün e il giügh dul balùn.  
Ul Sindich l'è nai pròpi par quéla stràda:  
l'ha dì: "Par vèng büsögna vess 'na squàdra!"  
"Tücc capitàni in la squadra, mia dumà vün".  
Sarà, ma asquàsi sübit in dul cunsili 'n quaivün  
l'ha ciapàa in paròla e 'l s'è ciamàa föra

e pruclamàa capitàn d'una squadra növa.  
“Cambiarém quèsta cità!” gh'hann dì e l'hann fai!  
Difàti, tutt 'an bott, tütt i stràa hann culuràa;  
ma gh'è nagótt da fa: ul bianch 'l po ànca spurcàss  
alùra gh'hann preferì ul blö, par mia sbagliàss.

Sa veed che da piciùra tanta n'è rivàda,  
magàri tròpa, e parchè l'andàss mia trasàda  
hann culuràa sia 'l céntro che anca i castelànz;  
'na manéra mè 'n'altra par sanà 'l bilànz.  
La cità l'è drée a cambià, quèst l'è da sicüür,  
ma in tücc i robb gh'hinn düü pées e dò misür:  
la cültüra, 'l türìsmu e pür l'inuvaziùn  
hinn cèrt da rimarcà, ma öcc ai tradiziùn!  
A prupòsit da cültüra, ma ven da dì,  
hemm fai un pù da pass indré o giò da lì.  
I nuvant'ann di “Bosini Canterìn”  
hann fai né cald né frécc ai “varesìn”.  
Ann passàa, chì a Varées, gh'évan da pasàgg,  
dur cinema e televisiun gran persunàgg.  
Fìna ul “Bernascone d'argento” l'è 'migràa:  
i 'taliani da Budapest unùr gh'hann fàa!  
Finiculàar, teàtar, pustégg e staziùn,  
un quaicòss l'è fai o l'è drée 'ndà inànz da bun.  
Ma intànt i negòzi püssée vécc, l'è destìn,  
hinn ubligàa a tìrà giò la clèer, van a balìn!  
Ul bigliétt da vísita, per chi 'l ven da föra,  
l'è quél ca 'l po vidé e quél che 'l tröva:  
vecc uficìn e cà da tant tèmp bandunàa  
fan mia unùur ai busìtt e la sò cità.

Par mia parlà du l'inqùisiziùn di stràa,  
du la sicürézza da nòcc par la cità,  
che l'è sèmpar lì, cumè prima, ra caserma  
(sperém che l'ann ca végn ghe sia mia 'na cunférma).

Ul re busin l'è feziunàa ai busìtt vécc,  
ai quèi maràa che al Molina trövan técc:  
gh'éva da tegnìi d'öcc l'amministraziùn,  
ma fórzi l'éva mia quèsta l'intenziùn.  
Tra intrequéri e cuntròll püssée da 'n'ann l'è passàa  
sènza che a vüna suluziùn sa sia rivàa.  
Vüna 'drée l'altra i senténz tütt gh'hann ribaltàa:  
Ma ai nost vécc, in 'sto intràchen, 'n quaidün 'l gh'ha pensàa?  
Varées l'è inscì bèla, ghe manca dumà pocch,  
e la qualità dra vita saress mei 'n tocch.  
Mi crèdi ca ga sia tanta bóna vuluntà.  
Su, tücc inséma alura! Démas da fa!  
Ho parlàa anca tropp, mo va lassi in cumpagnia:  
di amiis, vost da cà... e par finì in alegria,  
mi va racumandi: bevì 'n bicer da vin,  
a la salüüt vöstra e dul vöst  
Re Busin!

---

Donne e ragazze, uomini e ragazzi, gente di Varese  
di tutte le Castellanze, del centro e dei paesi:  
bosini, vi saluto! Siete giunti proprio in tanti  
da luoghi vicini e dai quelli più distanti.  
E' sempre un grande spettacolo girare per le strade  
in mezzo a gente allegra e bambini mascherati.  
Carri, musica, ballerine, fracasso,  
per me, re bosino, non c'è niente di più bello.  
Oggi a Varese, per onorare la tradizione  
non manca proprio nulla, posso dirlo con cognizione!

Allora dico la mia, fin dal principio  
e secondo l'usanza, delle faccende del Municipio.  
L'anno scorso avevo fatto un certo paragone  
tra la gestione del Comune e il gioco del pallone.  
Il Sindaco ha preso veramente quella strada:  
ha detto: per vincere occorre essere una squadra!  
Tutti capitani nella squadra, non uno solo.  
Sarà, ma quasi subito nel consiglio qualcuno  
l'ha preso in parola e s'è chiamato fuori  
e proclamato capitano d'una squadra nuova.  
Cambieremo questa città! Hanno detto e l'han fatto!  
Difatti, improvvisamente, tutte le strade hanno colorato;  
ma non c'è niente da fare: il bianco può anche sporcarsi  
allora hanno preferito il blu per non sbagliarsi.  
Si vede che di vernice n'è arrivata tanta,  
magari troppa, e perché non andasse sprecata  
hanno colorato sia il centro che anche i rioni;  
una maniera come un'altra per sanare il bilancio.  
La città sta cambiando, questo è sicuro,

ma in tutte le cose ci sono due pesi e due misure:  
la cultura, il turismo e pure l'innovazione  
son certo da rimarcare, ma occhio alle tradizioni!  
A proposito di cultura, mi sovviene,  
abbiamo fatto probabilmente dei passi indietro.  
I novant'anni dei "Bosini canterini"  
non han fatto né caldo né freddo ai varesini.  
Anni indietro, qui a Varese, v'erano di passaggio,  
del cinema e della televisione gran personaggi.  
Persino il "Bernascone d'argento" è emigrato  
gli italiani di Budapest gli han fatto onore!  
Funicolare, teatro, posteggi e stazioni,  
qualcosa è fatto o sta procedendo davvero.  
Ma intanto i negozi più vecchi, è destino,  
sono obbligati a chiudere la saracinesca, vanno a pallino!  
Il biglietto da visita, per chi arriva da fuori,  
è quel che può vedere e quel che trova:  
vecchie officine e case da tanto tempo abbandonate  
non fanno onore ai bosini e alla loro città.  
Per non parlare dell'illuminazione delle strade,  
della sicurezza di notte per la città,

che è sempre lì, come prima, la caserma  
(speriamo che l'anno prossimo non ci sia una conferma).  
Il re bosino è affezionato ai bosini anziani,  
a quelli malati che al Molina trovano alloggio:  
c'era da tener sotto controllo l'amministrazione,  
ma forse non era solo questa l'intenzione.  
Tra indagini e controlli più d'un anno è passato  
senza che ad una soluzione si sia arrivati.  
Una dietro l'altra le sentenze tutto hanno ribaltato:

ma ai nostri vecchi, in questo intrigo, qualcuno ha pensato?  
Varese è così bella, le manca davvero poco  
e la qualità della vita sarebbe ancor meglio.  
Io credo che ci sia tanta buona volontà.  
Su, allora, tutti insieme! Diamoci da fare!  
Ho parlato anche troppo. Ora vi lascio in compagnia:  
di amici, dei parenti... e per finire in allegria,  
vi raccomando: bevete un bicchier di vino,  
alla salute vostra e del vostro Re Bosino.

Redazione VareseNews  
[redazione@varesenews.it](mailto:redazione@varesenews.it)